

RESOLUCIÓN REITORAL POLA QUE SE APROBA A ORGANIZACIÓN DO OBRADOIRO DE INICIACIÓN AO BAILE TRADICIONAL GALEGO “COMO BAILAR NUN SERÁN” DO CAMPUS DE PONTEVEDRA PARA O CURSO 2025/2026.

A Vicerreitoría do campus de Pontevedra posúe capacidade para organizar cursos, obradoiros, conferencias, así como aquelas actividades que teñen como obxectivo, entre outros, a difusión do coñecemento e da cultura a través da extensión universitaria e a formación, en virtude das facultades que lle outorgan a Lei orgánica 2/2023, de 22 de marzo, do Sistema Universitario, e o Decreto 13/2019 de 24 de xaneiro da Xunta de Galicia polo que se aprobaron os estatutos da Universidade de Vigo.

Tendo en conta o anterior, esta reitoría, **RESOLVE**:

1. Anunciar a celebración do obradoiro “Iniciación ao baile tradicional galego: como bailar nun serán” para o curso 2025/2026 no campus de Pontevedra, con suxeición ás bases que figuran no Anexo I.
2. Ordenar a publicación da presente resolución no taboleiro da sede electrónica <https://sede.uvigo.gal/>

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na Lei 29/1998 do 13 de xullo, reguladora da xurisdición contencioso-administrativa.

Así e todo, as persoas interesadas poderán optar por interpoñer contra esta resolución recurso de reposición no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

Pontevedra na data da sinatura electrónica

O reitor

Por delegación (R.R. do 30/05/2024, D.O.G. do 10 de xuño)

A vicerreitora do campus de Pontevedra

Eva María Lantarón Caeiro



ANEXO I**OBRADOIRO DE INICIACIÓN AO BAILE TRADICIONAL GALEGO “COMO BAILAR NUN SERÁN” DO CAMPUS DE PONTEVEDRA” PARA O CURSO 2025/2026****OBXECTIVOS E TEMÁTICA:**

O obxectivo deste curso de iniciación ao baile tradicional galego será dobre:

Por unha banda aprender o imprescindible para poder participar de maneira activa e divertida nunha foliada e pola outra, axudar a gañar forma física, xa que o baile é un exercicio físico aeróbico cunha certa esixencia. Así, achegárase á muiñeira e á xota, os dous ritmos soltos do noso baile tradicional. Aprender os seus pasos base: picados, cortes, pasos saltados, adiante-atrás, patadas e couces.

Coñecer as regras que rexen a combinación dos pasos base para convertelos en puntos, como se estrutura a muiñeira e a xota, coas súas similitudes e diferenzas.

Ao mesmo tempo, terán cabida neste curso os principais ritmos agarrados: o pasodobre e o valse, sen esquecer como se leva e como hai que deixarse levar.

Para saber de onde vén o que se aprende, proxectarase algún corte de recollidas realizadas polo territorio galego dende mediados da década dos oitenta ata a actualidade. Todas as sesións comezarán cun quecemento, irase subindo a esixencia física progresivamente, tendo sempre en conta a forma física das persoas participantes, e rematarase cos estiramientos imprescindibles e necesarios para evitar sufrir lesións ou dores musculares.

O curso impartirase en dúas sesións diarias de hora e media cada unha. A profesora encadrará ás persoas participantes en dous grupos, un de INICIACIÓN e outro de CONTINUACIÓN en función das súas habilidades e destrezas en baile tradicional galego.

PROGRAMA:

1. Introducción ao baile tradicional galego
2. Introducción á muiñeira
3. Muiñeira II
4. Muiñeira III
5. Introducción á xota
6. Xota II
7. Xota III
8. Introducción ao pasodobre
9. Pasodobre II
10. Pasodobre III
11. Introducción ao valse
12. Valse II
13. Valse III
14. Proxección en ensaio
15. Ensaio Libre



DATAS E HORAS:

Os xoves, de outubro de 2025 a xuño de 2026 de 16:30 a 19:30 horas
en dous bloques:

Bloque I: do 2 de outubro de 2025 ao 22 de xaneiro de 2026

Outubro 2025: 2, 9, 16, 23 e 30

Novembro 2025: 6, 13, 20 e 27

Decembro 2025: 4, 11 e 18

Xaneiro 2026: 8, 15 e 22

TOTAL HORAS: 45

Bloque II: do 26 de febreiro ao 11 de xuño de 2026

Febreiro 2026: 26

Marzo 2026: 5, 12, 19 e 26

Abril 2026: 9, 16, 23 e 30

Maio 2026: 7, 14, 21 e 28

Xuño 2026: 4 e 11

TOTAL HORAS: 45

LUGAR: Será comunicado ás persoas participantes en función do número de matrículas.

DOCENTE: Montserrat Rivera Crespo (Montse Rivera)

PRAZAS BLOQUE I: 40

PRAZAS BLOQUE II: 40

PRAZAS TOTAIS: 80

TAXAS DE MATRÍCULA:

Bloque I: 40 euros.

Bloque II: 40 euros

As persoas pertencentes aos grupos determinados no acordo do Consello de Goberno da Universidade de Vigo de 24 de xaneiro de 2023 sobre consideración de persoa vencellada á universidade de Vigo en relación coas actividades de extensión universitaria, terán as seguintes reducións segundo ao grupo a que pertencen:

- 26 euros: membros da comunidade universitaria da UVigo (grupo A) e colectivos do grupo B (redución do 35% sobre o prezo da matrícula)
- 32 euros: Colectivo do Grupo C (redución do 20 % sobre o prezo da matrícula)



INFORMACIÓN E MATRÍCULA: campusactivo.uvigo.gal

PAZO MATRÍCULA:

BLOQUE I:

- Comunidade universitaria da UVigo (PTXAS, PDI e Alumnos e Alumnas) 10 PRAZAS. Desde as 9.00 horas do 17 de setembro ás 23.59 horas do 21 de setembro de 2025, (hora peninsular).
- Persoas que realizaron este obradoiro no segundo cuadrimestre do curso 2024-2025: 30 PRAZAS máis as vacantes do prazo anterior. Desde as 9.00 horas do 23 de setembro ás 23.59 horas do 28 de setembro de 2025 (hora peninsular).

No caso de quedar vacantes; todas as persoas en xeral. Desde as 9.00 horas do 30 de setembro ás 23.59 horas do 1 de outubro de 2025 (hora peninsular).

BLOQUE II:

- Comunidade universitaria da UVigo (PTXAS, PDI e Alumnos e Alumnas) 10 PRAZAS. Desde as 9.00 horas do 2 de febreiro ás 23.59 horas do 8 de febreiro de 2026, (hora peninsular).
- Persoas que realizaron este obradoiro no primeiro cuadrimestre do curso 2025-2026: 30 PRAZAS máis as vacantes do prazo anterior. Desde as 9.00 horas do 10 de febreiro ás 23.59 horas do 17 de febreiro de 2026 (hora peninsular).

No caso de quedar vacantes; todas as persoas en xeral. Desde as 9.00 horas do 20 de febreiro ás 23.59 horas do 24 de febreiro de 2026 (hora peninsular)

Información sobre Protección de datos:

De acordo co disposto no artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección da persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento Xeral de Protección de Datos ou "RXPd") e co disposto no artigo 11 da Lei orgánica 3/2018, de 5 de decembro, de protección de datos persoais e garantía dos dereitos dixitais, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de xestionar a convocatoria do obradoiro "Iniciación ao Baile Tradicional Galego: como bailar nun serán" para o curso 2025/2026 no campus de Pontevedra".

Coa súa participación nesta convocatoria a Universidade de Vigo publicará os seus datos, de acordo cos principios de publicidade e transparencia, e conforme ás bases desta resolución.

Non obstante e co fin de previr riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986 813419 ou ao enderezo electrónico igualdade@uvigo.es.

Estes datos trátaranse durante o tempo imprescindible para cumprir coa citada finalidade e serán conservados durante o prazo necesario para determinar as



posibles responsabilidades que se poidan derivar de dita finalidade e do tratamento dos datos.

Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos.

Os devanditos dereitos poderá exercelos mediante solicitude en sede electrónica da Universidade de Vigo <https://sede.uvigo.gal/> ou solicitude dirixida ao Reitor da Universidade de Vigo e presentada ante o rexistro da Universidade de Vigo, ou calquera dos rexistros indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para máis información: <https://www.uvigo.gal/proteccion-datos>.

Igualmente poderá dirixir dita solicitude directamente á persoa Delegada de Protección de Datos da Universidade de Vigo, ao enderezo electrónico: dpd@uvigo.gal.

Así mesmo, se a súa solicitude non é atendida pola Universidade de Vigo, vostede ten dereito a presentar unha reclamación ante a Axencia Española de Protección de Datos (AEPD).

